

այդ պատճառով ամէն ինչ տխուր է եւ անքնահան, ներուժ է եւ հոսուն, ծանր եւ նետի նման արտդ:

Բարերախտարար, մեր քայլերը շեշտ են տալիս արտառոց այս իրականութեան եւ քամին իր լայն թեւերը գաղտագողի շարժում է տարածութիւնը աւելելով:

Երբեմն, հեռաւոր տեսարանների շարժապատկերները գալիս կուտակուում են ենթագիտակցութեանդ մէջ, իջնում են հոգուդ խորքը եւ, ամբողջ երկրագունդը յետ մղելով, տանում են քեզ դէպի անորոշը:

Վերջի վերջոյ, ոչ մի նոր բան չենք տեսնում:

Բոլոր վայրերից արդէն անցել ենք: Անցել ենք եւ այս վայրերից, որոնք թաքցրել են իրենց բովանդակութիւնը եւ կորցրել իրենց ձեւը, եւ ահա — մեռած ծովի նման — արտաջրում են երկինքները:

Օդն էլ ծանր է:

Կարծես օդ չէ, այլ ինչ որ չափազանց նիւթական մի բան, որ թոքերս հրաժարում են ընդունել:

Արագացնում եմ քայլերս:

— Շտապելու պէտք չկայ, աւելի լաւ է տեղ հասնենք առանց յոգնելու, — ասում է ուղեկիցս:

— Ոտքերս ակամայ վաղեցին: Արդե՞ք պատճառը առաջին աստղն է, որ նշմարեցի հորիզոնի մօտ: Դեռ մութ էլ չէ:

— Ոչինչ, ժամանակին կը հասնենք:

Ու նորից գլուխներս վար ձգած՝ քայլում ենք:

— Ձեմ հասկանում, ինչո՞ւ մարդիկ լիճը լքած են: Ելնովկայից մինչեւ այս ծայրը լճի ափին ոչ մի բնակչութիւն կայ եւ ոչ մի գիւղ:

— Երեւի ցուրտի եւ քամիների պատճառով: Հայր սիրում է պատսպարուել, իսկ այստեղ ամէն ինչ բաց է...

Պատասխանում է եւ աչքերը յառում խորհրդաւոր աստղի վրայ: Յետոյ —

— Կը դայ ժամանակ, երբ ամայի այս փերը կը ծածկուեն բարձր ծառերով, հովասուն պարտէզներով, այնպէս ինչպէս Ղրիմի կամ Սեւ ծովի ափերը: Մենք պէտք ունենք հանգստի եւ պէտք ունենք փողի, շա՛տ փողի:

— Քաղքենի երազներ... .

— Ժողովրդի կա՛մքը:

— Եթէ ժողովրդի կա՛մքը լինէր՝ նա վաղուց այդ կ'իրագործէր: Այն ինչ որ մենք անուանում ենք ժողովուրդ՝ անանուն, գրեթէ անմարմին այդ մասսան՝ մեծ մի երեսայ է, երազկուն աչքերով. նա խաղում է հէքեթի եւ առասպելի հետ ինչպէս ուետինէ զնդակի հետ:

Ընկերս չի պատասխանում: Ձեռնափայտը շարժում է օդի մէջ, պտտցնում, վեր ցըցում, կարծես ուզում է սպանալ:

— Ի՞նչ ծանր է լուռութիւնը այստեղ, ասես մարմին է առել՝ թանձր է: Մտածել, որ կարելի է այդպէս անվերջ դնալ, մենութեան այս աշխարհում, առանց մարդու հանդիպելու: Եւ սակայն՝ նկատա՞ծ էք՝ չկայ ուրիշ մի երկիր այդքան լեցուն անմարմին, բայց ակներեւ ներկայութիւններով:

— Ձեմ հասկանում:

— Դժուար է բացատրել... Ահա տեսէք, մենք գնում ենք. երեկոյ է, գրեթէ մութ. հեռուում աստղը, իսկ այստեղ՝ ծանրաքայլ մեր ոտքերը կոպճուտ այս ճանապարհի վրայ, սրածայր քարերին են բաղխում: Մեր թոքերը, օդաչափական դործիքի նման, օդի ծանրութիւն են կրում եւ երկրի բարձրութեան աստիճանը գզացնում: Արդ, քանի մարդ բարձրանում է, այնքան միայնանում է: Ձգում է իրան մինակ ու որը՝ որը այս վայրերում, ուր քամին ոչ մի ծառի կատարին իր գլուխը չի թափահարում, ոչ մի ծխնելոյզի շուրջը չի պարում ու ոչ մի պատի առջեւ չի սողոսկում:

Եւ դուք, որպէսզի ձեր մինակութեան դաժան մերկութիւնը ծածկէք, երեւակայում էք երազային ապազայ մի իրականութիւն: Մերկ ձեր սենեակը լեցնում էք կահ կարասիներով: Լիճի չորս կողմը կառուցում էք գեղեցիկ վիլլաներ, տնկում էք մեծ պարտէզներ եւ մինչեւ ջուրը երկարած ճիւղերով բարձր բարտիներ: Մի քիչ այնպէս, ինչպէս նկարուած է աժան այն նկարների վրայ, որոնք քաղքենի ընտանիքների պատերի վրայ անկարելի հարըստութեան ձեւ են առնում: Կամ, աւելի շուտ, ձեր միտքը նմանում է ամերիկեան թերթերի այն ծանուցումներին, որոնք հովասուն